

❖ ছাকছা ছাব্রানাবা কোকঙা আৰো নেমখাৰে আঁনা
জাঙাতংচা।

ধাং প্ৰীমীৰ শিক্ষা বেবস্থা

থাম বীছৰনিপাৰা বীং বীছৰনি ছাব্ৰাতাঙো প্ৰীমীৰ থাকনি
শিক্ষা ৰাখুনা তীকাং ধাং প্ৰীমীৰ নি পৰায়না ৰাখুনা লাগিকায়
স্থানিয় চৰকাৰনি দায়ত্ব চাঙো।

পাঠ্যপুথি আৰো মূল্যংকন

- ❖ ছাব্ৰাতাঙি কাওজাতি উৰিঙি মন আৰো কাননি বুধি
বাৰিকায়নি কাথা পাঙে কাওজাতি তোঙা লাগিয়া।
- ❖ ছাব্ৰাতা নিজানি জিব্ৰানি কাথায় লেখা পৰায়না আৰো
ছুনো।
- ❖ ছাব্ৰাতাঙি চিন্তা খাৰকায় আৰো বুজি মানকায় পাঙো
চাঙো।
- ❖ ছাব্ৰাতাং বুজি মানকায় বিজ্ঞান কাথা লাগোতন অৰোঙা
চুঙো।
- ❖ ৮ থাক চেকেনা ছাব্ৰাতাঙো গছবা ব'ৰ্ডনি পীৰখা ৰানা
জাঙাতংচা।
- ❖ দৌমদাক ছাব্ৰাতাঙো প্ৰীমীৰ শিক্ষা (১ নি পাৰা ৮ থাক)
বাংছিনি চাবানি মুছচাক ৰাখুনা।

আপত্তি চাঙা/বিছি ৰাখুনা জাঙো?

“ৰাজ্যিক শিশু অধিকাৰ সংৰক্ষণ আয়োগ” চাংজো শিক্ষানি
অধিকাৰনি দায় আপত্তিবিজ্ঞান শেষ খাৰকায় চুংকায়
আয়োগ। জাবাকায় জাবা ছাব্ৰানি অধিকাৰনি বিছয় আপত্তি
স্থানিয় কায় না জানয়না জাঙা স্থানিয় কায় ছাপপান অকায়
আপত্তি বিচাৰখাৰে ৰাখুনা জাঙা। জদিহে উকায় আপত্তি
খাৰকায়কায় উকায় ৰায়অ নেমতাচাদা উনদাংবে অ “ৰাজ্যিক
শিশু অধিকাৰ সংৰক্ষণ আয়োগ” তি আপিল খাৰনা জাঙো।



ভাৰত চৰকাৰ

ৰাষ্ট্ৰীয় সাক্ষৰতা মিছন প্ৰাধিকৰণ

(বিদ্যালয় শিক্ষা আৰ' সাক্ষৰতা বিভাগ)

বিধি আৰ' ন্যায় মন্ত্ৰালয় (ন্যায় বিভাগ)

মানৱ সম্পদ বিকাশ মন্ত্ৰালয়, নতুন দিল্লী ১১০ ০০১

নিসহায়তি ৰাজ্যিক ছস্পদ দাম আছমনি

গীৰমৌদাৰতি প্ৰোকায় আৰো ৰনচায়নাতা

Website: www.mhrd.gov.in, www.Mygov.in

Website: www.srcguwahati.in



আইনী সাক্ষৰতা শৃংখলা - ৩

একানান আৰো বাধ্যতাচাংকায়
মমোৰঙি শিক্ষা মান্‌নালাগিকায়
অধিনিয়াম ২০০৯



একানান আৰো বাধ্যতাচাংকায় মমোৰঙি শিক্ষা মান্নালাগিকায় অধিনিয়াম ২০০৯

ভাৰত চৰকাৰনি ২০০৯ বীছৰনি মমোৰঙি একানান আৰো বাধ্যতাচাংকায় শিক্ষা মান্নালাগিকায় অধিনিয়াম ২০০৯ ৰাআ। একায় আইনান মমোৰঙি নিজানি পীইলা শিক্ষা মানকায়নি মান ৰাখুবা। একায় নিয়াম ক্ৰেব (৬) নি পাৰা ছিৰি (১৪) বীছৰ বীছনি মমোৰোঙা ছীমানথাৰে মানা ৰাখুবা।

পীইলা শিক্ষা ফীন্দা চাংজো:

প্ৰীমীৰ শ্ৰেণীনি পাৰা গিন (৮) শ্ৰেণী চেকেনা ত্ৰংদামনি ক্ৰেব (৬) নি পাৰা ছিৰি (১৪) বীছৰ বীছনি স্ৰীকান মমোৰঙা বাধ্যতাখাৰে ত্ৰীংদামিনা দাঙা জাংকায় অধিকাৰ মাননো। পিডান নিয়াম মতি স্ৰীকান ত্ৰীংদামিতি বেকান শ্ৰেণীতি চুপলেং হাদাম ৰাচামা লাগিনো। উকায় হাদামবিজান অনুসূচিত জনজাতি, পিছপৰা জাতি, অনুসূচিত জাতি (S.T., O.B.C., S.C) আৰো ছানা তংচাবাতাঙি কায়বিজানিনি ছাত্ৰাতাঙো মুং গীদাঙা ৰাখুনা লাগিনো।

একায় শিক্ষা স্ৰীকান একানান ৰাখুনা লাগিনো। প্ৰীমীৰ থাকনিপাৰা গিন (৮) থাক ছেকেনা শিক্ষা ৰাবায় ফংকাৰ ৰাখুনা লাগিনো তোংচা। খাতা, কাওজা, আৰো ত্ৰীংদামনি নেন-কান একালান মাননো।

একায় আইনি ছুবিদা বেবিজান মমোৰং মাননো:

✦ একায় আইনতি ক্ৰেব (৬) নি পাৰা ছিৰি (১৪) বীছৰনি বীছনি মমোৰং ছীমানথাৰে কাম খাৰনা মাননো। একায় আইন পাঙেখাৰে সক্ষম মমোৰংবা মাননো।

✦ ক্ৰেব বীছৰ নাকাৰা চুংবাতাং মমোৰাং ত্ৰীংদামিনা ৰেংচাবাতাং আৰো ত্ৰীদাম বাদ ৰাখাবাতাং উৰিঙি বীছপেকে মিলায় মুং গীদাঙা জাঙো আৰো প্ৰীমীৰনিং স্ৰীকান পঢ়ায় ত্ৰীঙে উপযুক্ত খাৰে তুনুঙো।

✦ জদি চাংবা মমোৰং ক্ৰেব বীছৰনা কাৰা চুংচেকেনা ত্ৰীংদামিনা মুংগীদাংচা অনা ছিৰি বীছৰ চাংদংবা পীইলা শিক্ষা মানকায় অধিকাৰ মাননো।

হাদাম ট্ৰাইদংবা বেৰগা ত্ৰীংদামিনা মুং গীদাংকায় ছুজুক:

জদি চাংবাকায় আনাবা মমোৰং গছা হাদামনিপাৰা আনতাং হাদামনা ৰেঙা লাগিয়া উনদং উ হাদামনি চৰকাৰী ত্ৰীংদামতি ক্ৰীঙে আৰো মুং ছুনা অধিকাৰ মাননো। মুং ছুবায় লাগিকায় কাওজা আতা তংচাদংবা মুংছুনা জাঙো।

ত্ৰীংদামনি ব্যৱস্থা:

✦ শিক্ষানি অধিকাৰ আইন মতি লাগিকায় ত্ৰীংদাম পাতিনা লাগিকায় চৰকাৰনি দায়।

✦ পীইলানিপাৰা বীং শ্ৰেণী চেকেনা মমোৰং ছা (১) K.M. জানবায় প্ৰীমীৰ ত্ৰীংদাম পাতিনা লাগিনো।

✦ ত্ৰীংদামতি ছানা তাংচাবাতাংনি ছাত্ৰা কায়ৱা চিনা গংচাকায় খাৰনা জাঙাতংচা।

চৰকাৰনি খাৰনা লাগিকায়:

✦ ক্ৰেবনিপাৰা ছিৰি বীছৰ বীছনি স্ৰীকান মমোৰঙো একানান শিক্ষা ৰাখুনা লাগিনো।

✦ ত্ৰীংদাম পাতিকায় আৰো পাঙেখাৰে সক্ষম মমোৰঙো হুইল ছইকেল ৰাখুনা লাগিনো।

✦ দুৰ্বল থাকনি ত্ৰীংগিৰি বিজাননা মন ৰাখুনা, পৰায়দামতি পীইলা নুনা, ছাকায় ৰংকায় ব্যৱস্থা খাৰে অৰোঙো আগয় ৰাঙা লাগিনো।

বাত্ৰা-জিৰা আৰো গিৰিবিজাননি:

নিজানি ছাত্ৰা-কায়ৱানা ত্ৰীংদামতি মুংছুই ৰাখুকায় স্ৰীকান বাত্ৰা জিৰানি আৰো গিৰিবিজাননি দায়।

ত্ৰীংদাম চলায়কায় থোক চামলায়বা থোক

ত্ৰীংদাম চলায়কায়নি বাদাং তাককায় থোকনান ত্ৰীংদাম চলায়কায় থোক আনে তেপা। একায় থোকতি কমেবা ৩/৪ পানথা বাত্ৰা-জিৰা আৰো অকায় চাক্ৰাতিনি কায় চাঙা লাগিনো। একায় থোকতি ৫০% মিচিতাং চাঙা লাগিনো। থোকনি বাৰাংগিৰি ত্ৰীংগিৰিনি বাত্ৰা-জিৰা আৰো অকায় চাক্ৰানি কায় চাঙা লাগিনো।

ত্ৰীংদাম চামলায়বা থোকনি কামি

✦ ত্ৰীংদাম চলায়কায় কায়বিজান নেমেখাৰে চিকায়।

✦ ত্ৰীংদামনি মান কুচুবে ৰানা হাবাজ্ৰং ৰাকায়।

✦ ত্ৰীংদামিনা ৰিবিবিকায় ফংকাৰবিজান নেমকায় কামি খাৰে ৰাকায়।

✦ নেমকায় ত্ৰীংদামনি কামি খাৰকায় ছহায় খাৰকায়।

ত্ৰীংদাম ত্ৰাবে ৰানাকে হাবাজ্ৰং

ত্ৰীংদামো ত্ৰাবে ৰানাকে হাবাজ্ৰং চামলায়বা থোক ৰানো। উনি বাদাং ত্ৰীংদামনি কামিনা নেকেন ৰাখুনা লাগিনো। ইবিজানো চি চৰকাৰ একালান শিক্ষানি পাকজা থীতে ৰাখুনো। কীত্ৰাংগিৰিনি ট্ৰিনিঙি ব্যৱস্থা খাৰনা লাগিয়া। ত্ৰীংদাম চামলায়বা থোক ত্ৰীংদামো আগয় ৰানাকে চৰকাৰনা লেখা ৰাখুনা লাগিনো। চৰকাৰনিপাৰা মানকায় ফংকাৰনি জমা ৰাখুই লেখা ৰাখুনা লাগিনো। চাংবা ত্ৰীংদামনি ছাত্ৰানি মুংছুবায় ফংকাৰ ৰাদং উ দায় লাগিনো। মুং ছুবায় ছাত্ৰানা বা জিৰা বাত্ৰানা পীৰখা ৰানা জাঙাতংচা। এখেৰ খাৰদং ২৫,০০০ তাকা দায় ৰাখুনা লাগিনাবা তোআ।

✦ চাংবা ছাত্ৰানি জাতকনি ছ-চাক (প্ৰমানপত্ৰ) তংচাদংবা মুংছুবায় বাধা ৰাখুনা জাঙা তংচা।

✦ চাংবা জদি আন্দ্রেখাৰে ত্ৰীংদামিনা মুংছুনা ৰিবিয়া অনাবা মুংছুনা ৰাখুনা লাগিনো।

✦ গছা ছাত্ৰানাবা প্ৰীমীৰ থাকতি বাদাথায় ৰাছামা জাঙাতংচা।